

漑

堂

詩

集

澹堂續集卷之六

焦獲孫枝蔚豹人著

丙辰四言古詩

寄誠諸子詩

十章

殷之王子師事甘盤自云廢學緣於屢遷矧予士庶頗
累飢寒迫其暇矣敢卽於安

日辱陽烏月辱蝦蟇佛亦忍辱桓如孔何矧在凡庸負
惡實多橫逆之來請代切蹉

嗟予老矣道路靡寧匪遊是好惟懶是懲戒爾居家告
竊偷生母若瓜瓞自起不能

相彼鳥矣微不如雛雛亦匪智穀亦匪愚雛雖匪智食

澹堂續集

卷之六

能自謀穀雖匪愚維母之須

相彼襍雀

卽鷦鷯也爲巢至精密如

初歲然故名襍雀又名女匠巢於葦菀制之

巧矣伊誰汝教維情生拙惟拙興嘲鳥中斑鳩人中曹

交

綸況似綸

音關鹿

組亦似組因形得名厥實則醜幸服

儒衣中何所有勿愧先民經文緯武

樹枸

音

隣園酒味斯薄種竹東牆笋穿西屋爲竹爲枸

慎爾同度無伴爾隣增其寂寞

維弟事兄如父如師爾有群弟愛之教之夏楚雖設慎

哉輕施盍觀慈母折筴行笞

次兒穀教童弟及姪道川

人憐幼子情固然也

惟予生平實慙出處舍米出疆長飢累汝求田自今庶
幾無悔亦既蒞矣尚肯播否

田雖無幾仰齊顏淵稚子十齡恐類雍端此誠新歸與
歸與胡能弗遙荷從兒懶亦父有愆

丙辰樂府

君子行

曾聞君子儒西河有舊居文侯不敢臣干木亦其徒于

狄我何人八師彼丈夫尸佼羞相擬鬼谷不足俱尸佼為商

君師見谷今來訓童子不同向舞雩日捷求其齊教刑

為德泰師作白虞所講但今文此事足欲獻瓊屑將何成自傷口

卒瘞

丙辰五言古詩

人日示小子

歲月催老翁詩書伴童孺金勝同荆俗芝蘭愛謝枏二
子入學堂七朝母輕度卅分汝易忽素餐吾竊懼茲辰
稱靈辰維以人之故五官豈不同千秋誰有譽今人愧
爲人古人人所慕欲問古人誰鄭公好遭遇出門謁至
尊上殿承寵顧吾師嘉管仲有味人也句太宗謂人日
卿來真無負旣蒙天子獎便入史臣注此事亦偶然而
足垂竹素人生貴自立讀書實先務一字變爲三傳寫
多差誤進鵠被世嗤乃不如士庶朱門少俊才惜哉習
純樸小子宜努力聲名須遠布勿只獻萊羹徒然敬師

傳

苦雨雜詩

陰昏雨月來淋漓無朝暮入夜更滂沱
藩籬賴猶固紅桃損顏色黃鳥失平素
惱殺春客今年成虛度閉門亦可樂
骨肉幸一處戰血腥江湖羽檄飛道路
不愁濕旂旗惟恐滑婦孺頗聞逃難人
去家無回顧客縱忘流離忍復耽遊豫

農家亟春耕淚眼看龍戰南陂只數步
欲往天又變班鳩鳴屋頭水怪行塲面
心羨打魚翁蓑衣憑潯澨書生亦可哀
太濶翻噴硯老猶訓童蒙對枕無畱戀
睡思如邊韶防嘲敢自便雷車軸縱堅
胡乃不知倦誨人倘同

此尼父卽再見

時雞棲於棟池魚遊上臺我聞豫章郡水患自古來孽

龍恐復出鐵樹花先開

郡有鐵樹井相傳鐵以鎮孽龍一十年前廟中被火延燒數百家

土人變之曰鐵樹開花矣

陰氣盛自今前歲何處回黑雲覆千里雷

聲震九垓敝宅在揚州竊慮壞垣頽卽此成已私豈免

仁者怡但同懷居士難謗拯溺才

貧人夢金錢飢兒夢餅餌雨中不夢日吾亦怪吾意陰

晴有定理當知非幻異所以神與鬼中宵不我戲推此

恒淡漠雖遠終可致委運任自然頗聞古人事傳說版

築間弓旌非所異呂尚釣磻溪竟展鷹揚志旣然在泥

塗蠟屐敢輕棄

愧爲舉業師

道既不可輕禮必尊其師天子至庶人受教無參差所
怪倡優輩見師肅容儀尊所不當尊不自覺其非顧彼
諸弟子但學彈與吹技成雖絕世徒爲荒淫資陳國好
歌舞風刺見於詩巫風且不可況可身自爲玷及于祖
考奈何忘孝慈稽首向仇賊仇賊坐受之謂汝傳吾道
衣食將在茲恩與二人同受拜豈不宜我笑謂羣優幸
不遇仲尼誅戮免相及自尊乃不疑羣優答我言古道
久難追具曰予獨聖誰察雄與雌紛紛誦讀者視我無
高卑教人惟舉業授經豈如斯排比粗成篇記誦戒好
奇亦無揚雄字亦無司馬辭子弟遣從遊父兄多受欺

巧竊章句間事不異偷兒日夜所縱與青紫謂可期成就竟何如不過取輕肥等是衣食計何忍相訶譏聽罷低吾頭終身愧臯比

示小子

東向不見西

文心雕龍東向而望不見西牆

三閭苦多蔽古來喻大愚

今世乃常事小子聽翁言慎無忽瑣細畧舉舊所聞引

仲庶屬類同是一臯陶因呼別其義音遙則爲人音桃

則爲器

考工記梓人爲臯陶之音桃臯陶鼓之匡以木爲之

同是一俗華命名益

有二或縣或婦官豈不關古制呼覓作平聲便非沈約

意邾婁苟不辨懵然亦已至勸汝思誤書勸汝察訛字

勿效干祿人空疎欺主試說文與方言爾雅考工記凡

此數種書几上須常置

望隔牆冬青樹有懷吳賓賢

冬青隔牆看看罷增嘆息無人知懷抱但謂愛樹色松
竹不在眼此樹復難卽嘆息謂固宜聽之心益惻故人
卧海濱守拙艱衣食本是歲寒交別來歲非一冬青覆
牆頭舉首輒在側與子各一方爲隣安可得

施愚山曰交情如許
大野人曰古音蒿調

寄汪舟次

好友如連枝離愁滿落葉久客胡不歸出城江有鰈再
而非艱難萬緒煩稠疊自悼復相關流涕忽盈頰念昔
我與子同自命豪俠鬼神一有權出處兩難悵韓愈困

二試記誦差涉獵君今何爲者尚攻舉子業朱雲諸門
徒不敢輕負笈我今何爲者傳經代彈鋏天高不可問
幽憂但相接變化亦多端復想莊生蝶且日讀南華聊
當喚夢魘

問醫者宋廸公

壑依鈴閣旁經看公子執齋如新婦車身似白駒鬚廢
詩常屢月有酒空千日况我非伯倫性不食米汁逢君
願有問將恐發狂疾

丙辰七言古詩

舞義盤行并序

古之喻舞態者或云翔鸞遊龍或云鴻歸鶴立畧足

盡之矣然手之所持率巾扇之屬耳故能矯纖腰而
自如頓皓足而無礙且歌兒舞女所擅各殊未聞予
都却能百戲雖號仙童但上六博而已丙辰八月旣
望侍宴於中丞董公之署中有二童子年可十四五
善爲舞瓷盤之戲晉代杯槃猶疑未巧羊家荆玉差
可同觀爰命登塲以樂永夕二童則換蛾眉之救效
垂手之舞手中之盤繫以金鈴如雜珮然頭上之蓋
立以銀燭如高髻然且復啣箸在口箸長出額初疑
此箸何所用之旣乃知其與所戴之蓋相擊也及其
對舞坐卧回轉無所不可而盤如縱飛之蝶蓋如入
定之僧遂使二器有動靜之異矣背後排立彈唱者

六人或挾琵琶或執笙簧以助鈴韻當其首節相應復使歌舞無彼此之分矣此誠劇場絕藝也是日在坐者閩中林君貺名隄曾龍眠劉超宗名鴻儀及予三人耳幕中舊有丁彼雲名倬者亦龍眠人曾賦此題長歌爲中丞公所賞何意今日之樂乃同山陽之笛相如逝矣但對鄒枚阮瑀不存轉憐吳質撫景愴懷誰能自己耶爰慨然有作非敢云能和丁生高唱也

二童侍立油幕間髣髴雲中六博仙命着舞衣效婢媚迴翔復似雙彩鸞乍進乍却何翩翩筭梁一身總不開
瓷盤在手盞在手盞內銀燈燦若蓮口啣曲簪簪仰天

與盜相擊聲清圓惟愁舉動成挂礙正爾陵危勢更安
腰肢貼地轉如環手中頭上仍依然且看晉代舞杯樂
誰誇唐妓戴長竿興盡悲來涕洟瀾消渴人今歸下泉
對此如聞山陽笛多時不聽阮瑀絃

丙辰五言律詩

在豫章幕府求書不得而作

芸臺在何處欲往救空疎應少一官分長思四庫書
彦深爲抄錄趙彥深抄書無誤慰祖作鄰居假貸誰無吝猶能較

魯魚

聞道廬山下曾藏李氏書斯人今不見僧舍復何如
馬爲增兵貴兒因避亂愚不知生此世誰得帶經鋤

得家書說還債未了

家書來歲暮未拆淚先垂裁褐報初就寄金嫌太遲臘
催春又至病與老相期自笑如張籍曾無債盡時

姚合贈張

無詩多見愁連曉肺問債盡時

丙辰七言律詩

春日齋中

從遭喪亂別西秦久恥逢迎一任真高興每思遊五嶽
酣呼常是惱比隣嵇康潦倒麴疎生李白嶽巒歷落人
今日重教尋訓詁何時還我自繇身

述夢

平生未識寶文閣夜夢偶同劉器之身坐胡牀忽輕舉

俯看奔走笑羣兒難如紫綺騎鯨客亦異黃冠化鶴時
喜劇欲狂緣底事不愁歸路到家遲

丙辰七言絕句

總督董公署中送劉超宗歸桐城

欲附歸舟計每窮明朝相送讓春風知君最愛忘機者

應見江陽憶老翁

施愚山曰見江陽憶老翁亦是前人所應

雅量虛懷總可思纔聞欲去淚交頤詩家信是相親愛
不爲他鄉更別離

拍天春水一帆輕咫尺家山只數程回首翻憐授經地
江城殺氣似長城

飽骨

意多違歸買江魚問釣磯縱使真同馬融帳

自然不及老萊衣

親故相尋日幾廻
懸知尊酒定常開
無勞更寫青山賣
新別青油幕下來

病愈贈醫者朱廸公

因循瘧鬼久相妨
病退教書聲漸揚
却愧爲師少功效
不如靈藥釋昏狂

閒卽頻過卧榻前
自言學術愛前賢
平生獨得黃公訣

寢膳常居藥物先

文中子謂北山黃公著醫先寢膳而後鍼藥

藥雖非酒亦常賒
吾道艱難付嘆嗟
看汝慇懃知有意
憐貧敬老愛詩家

肯念江淹才盡時
休嗔相對謝贈詩
題寄書昨歲揚州去

說與兒孫已共知

一藝超然嘆絕羣書生頭白愧無聞何時始草陳琳檄
醫得頭風却賽君

看君瘦骨似仙禽珠樹何年返故林應檢當歸長下淚

知看益母更驚心

勉公因進悲壯
遂歸冠幕府

長使鍾儀拘異國徒然扁鵲想前身烏頭馬角應難料
天道從來福善人

馬廐旁邊屋作隣何妨厮養也相親低頭幕府尊嚴地
種杏安能許外人

得家書

遠道書來每勸餐誰知對案正長嘆頃增痰疾如元九

那有裴公送橘丸

宋太祖

武成遺廟並文宣兩廡寧須卜哲全但爲殺降喚白起
何知篡逆罪滔天

爲江辰六闕題長安借書圖

圖中驢背馱書童子
人或抱書或抱酒甌

日日羣公許借書全忘五度困公車長安米貴君無慮
芻豆關心到蹇驢

擊筑高歌人已無攤書把酒儘堪娛卽看侍立都清絕
李賀巴童穎士奴

丁巳五言古詩

塵鏡詞 有序

總督公因長公子歿後倍憐愛諸男光祚隆祚雨小
子入宅已三月上學之期杳爾無聞惜前功之將廢
也因作此示之

銅質美惡殊刮磨總難誤美者出秦宮或從廣陵鑄及
沉古井中光彩何絲露常銅本難棄况復好遭遇繡帶
爲提携錦囊煩包護良工偶到門請試磨拂具初如開
混沌欲放星月路繼如淘汚清泥沙亦漸去主人業一
笑贈錢養婦孺受之無赧顏恃有微勞故如何數月來
塵埃任堆聚懶將寶匣收誰借玉臺助前時負局人進
退心猶豫既自惜前功還復增後慮

寄吳賓賢

歲歲素心稀，日日朱顏毀。會密尚嫌疎，況隔千餘里。佳
作看無絲，好音亦寂爾。寂爾自何時，兩見楊花起。豫章
僥賈客，未曾絕行李。端坐自躊躇，不覺淚如水。求田問
舍心，應爲高人鄙。學稼誠小人，謀食非得已。君貧如延
之，誰繼王公子。以類無年室甚甚陋故取以止陋軒勸君當治生，復恐輕
啓齒。在陳有絃歌，先師曾不死。雖飢幸免寒，日暖陋軒
裏。

雙節婦詩

有序

人學生江九臯，歛衣垂死遺孤尚存。襁褓妻程氏，年
二十六能撫其孤。湘至於成立，九臯有從子名激，亦

蚤死妻汪氏年二十七有遺腹既產而不育以伯氏子爲後與叔母程氏相依且相助也今程年五十有五汪四十有六湘來徵詩余既慨慕二婦之賢且有感於君臣之際焉援筆成篇兼告搢紳士使無忘卽義云爾

婦道比臣道此語昔所聞旣當全志節更欲樹功勲撫孤須成立徒烈何足云寧難勿爲易譬如報故君喪口不多得况彼釵與裙列郡或一遇當世罕其羣不謂雙節婦矯矯在一門歛邑敦禮教江氏重婚姻刑于固無添柏舟可同論至今程與汪苦節如一身叔姪在地下相見長歡欣曰各有賢婦曰各有後人旣效共姜義復

擇孟母隣爲婦能如此請以勸爲臣

汪舟次赴贛榆教諭任去後數日余始自南昌歸
抵江都不及祖餞悵然無已因賦寄懷四章

兩年羈幕府三益勞夢魂歡喜登歸舟踴躍入城門謂
可對瓊枝日與釀金樽我歸君已行不得共笑言雖嗟
同心遠所喜吾道尊三鱣頗足賀抱關勿同論

學官繇延聘事曾聞元季當時司鐸者往往居大位翰
林李繼本且親賈楚事逮乎洪武初邑宰得招致全公

與丘公

克莊

風流亦相繼

李繼本丘克莊事俱詳見錢牧齋別朝詩集

學徒

來四方光及郡縣志我友負奇才三賢乃行輩風池與
烏臺旦夕謂可至如何年四十一官纔小試聘舉人不

行貲郎翻無愧高人多下僚因君發長喟

吳楚雖名邦孔轍曾不入遺蹟在夾谷君無嫌小邑尼

山况接壤何難變士習近聞斥鹵鄉子弟寡成立夏翟

羽不如文藻非所急豫翰錄今淮安爲羽古禮廢已久

射圃牛羊集况復遭亂離舊經誰暇執文事與武備煩

君重收拾瓠葉亦可烹講舍亦易葺勿爲客無龜徒然

增鳴咽

古來工詩人頗得山川助此邑雖荒僻日照接連處

州日照日夕坐城樓時霞明海樹引領鬱洲山遙指蓬

萊路是時詩興發生徒誰可語下筆應自笑勢比海潮

怒廣文官雖冷吟哦日無誤不知對景餘曾有懷人句

觀察金長真以丁巳八月十三日祀歐陽子於平

山堂招客賦詩亦與焉詩限體不拘韻

同程費倚止于

呈盛珍示鄧孝威方邵村徐原一宗弼問夢龍肩許師六黃仙裳汪叔達季所李倚江王翰臣劉彦

度趙聲伯家無言

賓主共十九人

古人既已往接踵賴後賢子與訓尚友子長願執鞭歐
公守此郡惠政到今傳當時宴飲處遺蹟留平山平生
勤爲文吾徒費仰鑽如稷勤於農冥勤於水官干戈尚
滿眼文敎廢多年山堂久已毀祀典誰相關當途實不
遑書生徒慨然繼起惟金公辦香何其虔構堂復築樓
木主設中間思齊誠無怠化俗亦有權重來攝鹽政俎
豆最拳拳曰聞古名臣英靈長在天雖當人代換魂魄

戀山川勝友况雲集文詞總翩翩迎神神所喜曠世成
周旋祀畢還觴客令名各勉旃

丁巳七言古詩

汪季月舍人與令兄叔定招同程穆倩鄧孝威宗
錫問陶季深華龍眉范汝受王仔園家無言汎舟
至平山堂登真賞樓樓有瞰陽公木主與諸子展
拜既畢乃飲酒堂上各賦七言古詩一首將予初
歸自豫章幕中登覽唱和之樂二年來所未有也
去作豫章老學究堂甫落成樓未構歸逢內閣賢舍人
云樓可登非可漱井爲第五泉新設亭於上折簡忙邀十日前着
屐緩當一雨後荷花將放荷葉焦如夏豈妓乏長袖對

此使我感災傷亂世蛟龍習戰鬪高處忽令懷抱寬隔
江山色青如舊古人亦賴文章力盛名不隔往來甯煬
帝何曾有宮殿殿公儼若在左右至今真賞迹仍畱坐
久何勞笙歌衍諸君努力爭千秋如歐繼韓爲時救援
徒自笑如劉昆但烹瓠葉充俎豆

金驛憲去郡三年復來攝兩淮鹽運道事和汪叔
定竹馬歌奉贈

郭伋治行何其優當時遺愛在并州及其再到名益顯
兒童奔走如有求竊因此事發狂言曾令聞者笑不休
兒童豈不勝父老迎郭似覺勝送劉後世父老修故事
往往欲推翻挽留惟此不識不知者欲號卽號謳卽謳

樂易寬和如父母然後懷中亦可投誰其繼者惟金公

爲政簡易惠愛周兵戈始起甲寅歲紛紛駭竄如火牛

爭門但用山單籠

山單宗人以
其籠爭門出

訛言欲登王鳳舟

兩時
避亂

相如避
大水

公笑謂民何爲者縱爾出入爾無愁潛辦芻糗

供兵馬久之歌吹聞江樓只言黃霸堪爲第何意羊祜

乃其儒門卒曾蒙延壽召王生願從龔送游蔚也迂拙

無足道亦荷提携兼綢繆去郡到今歲未久但聞驛通

頌聲流舊治重因視榷來誰先拍手爭叩頭兒童鼓舞

見真性竹馬清絕擁鳴騶微聞吏胥詰兒童公今國家

之鄧侯汝曹非商復非龐且牧黃犢卧田疇

丁巳七言律詩

久不得徐州五兄大宗書

怯對青銅髮滿梳喜惡宵夢人淮徐蛟龍爲忠今何似

徐舊多水悲鴻鴈同歸各不如太宗久有歸田之興今又假遷此州兩年矣衰白

光陰偏迅速亂離音信太稀疏黃河便在州門外難道中無尺半魚

題凌時侯有懷草堂四首

另有記見文集

無求錄事草堂貲尚復驚心小宛詩不爲江關殊故國

但傷風木異前時孝烏瘦樹情相感慈竹當階手自移

從此關門勤誦讀休經謝墅學圍棋草堂在橋梁其地爲謝公七點之一

千頭橘樹費經營長憶先人似李衡魚稻鄉中親戚飽

許侯爲於親戚嘗分田給之茶蘭社裏友朋清關蘭社見中州集惟逢春露

秋霜節懶共田翁釣叟行祇覺卜商哀未散彈琴猶自不成聲

良田廣宅願初諧豈獨花時景物佳熟看羣鷗門以外

閒栽小柳水之涯才華到處名流重郭孝威詩觀初集曾奇萊過日集於

蘇侯詩極其美賞俠氣中宵劍客諧絕愛湖村魚豕賤何愁有

酒却無腴無腴見商史

地僻從來足寤歌此中曾不羨榮阿幽人別業竹梧滿

世良朋沮溺多湖裏蛟龍欺不得大水類年災及村人草堂獨得無恙

梁間燕雀喜如何問君更置高樓否三十乘書藏得底

丁巳五言絕句

猛虎爲獵士所斃明日復搜穴得其子歸獻總督
公公命養之籠中大纔如猫日思乳而號予有感
焉

何人曾入穴得此小於菟猶勝孔融死巢中完卵無
剪燭花有感

年覺爲儒老春從閉戶闌燭花休剪去又少一花看
詠燈油

相藉還相苦吾憐火與膏本來求潤澤翻使受煎熬
丁巳七言絕句

新買得狐裘忽自念五十八歲人著此復得幾年

不覺楚然

買得狐裘風雪天
偶思齊相轉凄然
前途看去黑如漆
縱沾那能三十年

題金正夏小像

圖中跌坐泉石之旁
初管將書見墨頗漬

濁世幾人似公子
趨庭纔罷意悠哉
僱人答策紛紛者
誰讀顏公家訓來

跌坐看君思最清
閒操不聿費經營
多應得句如休璉
或是裁書答士衡

徐原一昆弟四人小像合圖一卷索題

棠棣並爲天下士

用東坡句

勝流誰不想
手神樽前幸識姜

肱而

肱兄弟四人

肱裏還逢共被人

富貴場中取樂殊獨多高趣類潛夫王昆金友人間少
玩好無非博古圖

手各有持皆博古圖中物

自豫章歸後得汪季角絕句八首次韻奉酬

偶去爲師有若無尋章摘句怪門徒序文也愛滕王閣
總作重公一日於大醉後對客誦滕王閣序及正氣歌
不差一字自云童口最愛讀此二篇歷三十年未嘗溫
習終不遺忘先生教諸兒

記誦不可不以老夫爲法殺氣偏愁彭蠡湖

談笑今爲却病方何殊破賊手偏強尊前况復聞佳句
味似連珠許飽嘗

歸逢佳節試龍船誤把騷魂比餓鴛賢婦應能作菰黍
可人何必問蒼玄

幾客能煩倒屣迎朱簾人最善調羹老來難忘杯寬處

自喜心如鏡子明

杜老詩中愁太多文姬拍裏憤如何但存孟德憐才意
也抵將金馬上馱

亂餘仍此對江天細話憂愁夜月前不向山下過
誰知顏色金錢

往日酣呼達四隣今來相對素冠巾百年始覺歡娛少
我是羈人爾棘人

文債停催事稍閒季月自請禮以
來久不爲文歸人轉覺有愁顏無
金可入劉叉手況敢思量到買山

次韻答鄧孝威

凝眼看書如有無因君起舞類狂徒東坡喜劉景文至
詩只書眞是舞手

述起生裂眼知有無余自幕府
歸來怡值郵孝威自海陵至

亂餘握手非容易詩興

況堪吞五湖

黃魯直詩公如大國楚居五湖

有負懸弧射四方依人但願主人強歸逢邴馬賢苗裔

羞說艱難已備嘗

君網珊瑚上海船

孝威詩觀二集又將刻成矣

我惟儲肉似寒鳶

東坡

詩東鳶鷂肉巧謀中

因看載酒填門戶益覺談經讓草玄

舊友相過省送迎休嫌聚飯與黎羹尋花問柳無多事

落落晨星幾箇明

能支稚子太平多每憶將軍昔姓何廬山舊是藏書地

滿路軍裝載駱駝

烽火回頭尚微天須將現在鬪尊前况聞紙價今如洛

省爲碑文去索錢

非關苦憶舊鄉鄰曾被綸巾笑幅巾笑謂此翁誰可比
東坡三事不如人

輸君忙處亦長閒詩品能教謝勝顏痛飲狂歌仍不減
藏書豈獨愛名山

江季角避暑平山堂之真賞樓次宗鶴問韻奉寄

求閒果否得長閒亦欲求閒懶上山免擬程詩嘲熱客

曾無庾賦動江關

自慨不如季角兼古人之長却得閒散更不如城市之異山林也

百人梧桐閣上人皆看月色一般新哲兄

謂叔定

書報山

中弟洗罷高梧亦少塵

縱不能詩不恨曾文章經術有師承若論爬癢麻姑爪

蘇軾詩集卷之四

李用鵬杜韓藍陸四家
集於山中方事評選

賓客尋常滿四筵
暑中曾廢午時眠
如今坐到泉香處
茶學盧仝每日煎

樓上久停京兆手
鏡中看慣夕陽山
惟愁此路蓮歌女
勾引詩思不放閒

愛向前賢行處行
不因消夏費經營
只道儒門長冷淡
誰知吾道有干城

干山壺曹州久爲寺僧
侵奪議興復自季川始

戊午五言古詩

藝圃十二詠

有序

姜貞毅如農先生流寓江南得吳中文文肅公別業
將以老圃終焉因名之曰藝圃今其仲子學在居之

汪民部荅文爲作藝圃記繼以知詠十二章其詞斐然盛矣予以戊午五月客吳門與學在晨夕過從酒間歸予和作勉如其數景物之外不自知感慨之何從也

南村

村路無人識云在此園中時聞布穀叫桑柘來遠風但能友沮溺何必築牛宮

鶴柴

月出炤瑤琴風聲下松樹忽有仙人驪來學道士步戲舞在廣除芝田非所慕

紅鬚館

房相西亭前景物頗相似當時憂國人開顏偶對此每
同鶴陣看誰論筆意美黃山翁詩宛頸相連筆意多
法以運腕
同鶴陣看誰論筆意美黃山翁詩宛頸相連筆意多

乳魚亭

洲島聚一池魚作千里視築亭俯臨之無人知樂意荷
風四面來正看魚子戲

香草居

坐此讀騷經琴弄香如昨小徑聊自娛深情正有託不
求園客妻廣記園客植五色香草恥造芸艸閣

朝爽閣

諸山遶城郭指點臨高臺旭日炤蒼翠風隨爽氣來俯

看枝上鵲飛去復飛回

浴鵑池

沼綠似春酒鵑白於冬雪主人非海翁愿性自相悅
最許 颺翅朝陽邊和風亦不缺

度香橋

小橋楊柳邊曾不通舟楫蟾光滿三五幽人管獨立乍
度水芝香忽疑荀令入

響月廊

園景夜更佳月炤修廊下最憐梧與竹聲影俱瀟灑高
歌明月前不少同心者

垂雲峰

峰有千霄勢久與太湖別挺然窓戶前玉笋森羅列當時洞口雲相尋曾不絕

六松軒

滄海一揚塵徂徠惟遠望開軒而六松頗勝陶元亮

陶云

撫孤松而盤桓

不遇歲寒時誰識風姿壯

繡佛閣

龐蘊家中人愛向閣中住惟以種種香而焚繡佛處鴟鵂不曾教能誦金剛句

施尙白少叅招同鄧孝威毛大可汪舟次飲寓齋賦謝

音息曠已久會面復臨觴年齒在桑榆此樂寧易常京

洛多宴會但見車騎忙賓客滿華筵形骸誰相忘何如
同心人話舊燈燭旁論文趣自佳焚枯味亦長豐膳復
可驚旅食恐須防大馬合從東枿橘凋北方自知非貢
禹不敢慕王陽日夜苦思歸偃臥舊草堂聚口無幾何
且慰飢渴勝縱同弦與箏已勝參與商

贈趙考功玉峰

憶昔逢君時塵中並馬首意氣但相親縞紵會何有一
笑雖須更自賀吾得友貽書未及報旋歸看隋柳豈知
項斯詩常在楊公口

別久會良難空遠人忽邇聞君入試院引領惟一水白
屋荷相存美莊非所喜示我棘闈作獨宗文選體何事

酒堂集 卷之六
歐與梅賦詩招謗毀

壯心灰已久耽美惟篇章雕蟲誠小技覆醬亦可傷縱
兇廁中投何取枕中藏仇愛雖懸絕均之失所望慨焉
謀梨棗感君亦空囊

長安米方貴旅食費經營豈無公孫閣欲往還自驚守
拙吾難改求飽人所輕赤手竟無慮緇衣一何誠幸分
仁祖粟不羨五侯鯖

送黃俞邵奔太孺人喪歸金陵

君來曾幾日君歸亦已遲遙遙三千里驚馬到何時報
主悵承顏自古多何之看君兩俱乖誰不爲涕洟 韶
下徵賢畏博洽亦勞資未聞游與夏反勝曾參爲陳情

拒不納竊懼非所宜俾君有此恨倘於孝治虧布衣如
李願荷恩實弘慈願但以疾告哀憐尙至斯豈肯同
霸主竟焚介之推奉行在教迫咎當歸有司我亦蓬蒿
人霜雪上兩眉賜原吳養老稽首增忉忉字非干祿
書訓妹應制詩逸民與儒林合傳母乃奇因君忽自述
萬一至尊知春當返江都相尋或有期祖道一杯酒
今日難勸持淡淡西日落獵獵北風吹止哀勉粥食大
事當仗誰

送王子側歸新城

與君相別來中間歷幾閏金焦留咏處風帆吾屢進所
思未易逢墨蹟猶能認賦詩曾不多冷然有遠韻此事

屬君家上姬維與緒昨復題藝圃風流傳吳郡在遠若
同堂咫尺如千仞君知稽性懶我愛鴈門峻東歸間有
期綵衣急省覲我亦厭京塵將欲尋田畯倘念蒲姿衰
幸無魚書吝

送陳六謙任安邑丞

識面無幾日告別北風前交情與離情新舊不相懸凡
是吾益友子皆與周旋背面何所云稱子今大賢所以
聞上馬愁看鐙與鞭或訝子爲丞才如萬斛船今行一
港中自視爲長川意雖愛子深於道恐不然古人早教
授謂無及物權相勸居此職親民在所先見朱子語集韓愈
記廳壁履道譏其徧慎無效斯立日哦二松邊葡萄酒

雖美聞之勿流涎瘡癘正可憫風流安足傳雙陸無休
勢仕宦亦有焉用唐宋安恭語安恭爲龍門示數年而登列岳每以此語勸人惠愛兼
清白拭目望高遷

贈李湘北學士

國門身再入齒稀髮更疎老鶴使乘軒心知理所無但
喜蓬萊閣仙伯舊相於別來今七載重得上堦除況看
坐上人作賦敵相如謂毛大可或似張安世記誦到亡書

謂李于德用爲竊願比黃憲著作讓羣儒野性復劇懶何意蒙

吹噓海嶽衆所歸諒難執一隅

西山有佳致去城惟咫尺仁智實難觀山水誰有癖豈
謂營坡人屢尋營嶺迹氣味王摩詰襟懷謝安石示我

登臨作佳絕非一格獅象力最雄鐘魚聲不迫及讀廢
陵篇轉令情不適信哉詩中史杜老如同席試問丘壑
中誰是文章伯

鄴侯三萬軸公擇九千卷家風紹前賢竊金非所羨
子甫髫齡文場雄一戰告捷八月中桂香方滿院傳經
情既遂藏書功亦見賓客正喧譁君恩更繾綣內醢
出黃封賜墨來金殿

壽李書雲都諫

阿閣旦中天其上巢鳳凰飽食惟琅玕亮音聞高岡
水與旱一鳴變禎祥俯視立仗馬塞默南衙旁日候三
品芻何補於朝堂我願九苞羽享年千歲長

古來批勅手曾是宰相器一姓多傳入三台真易至草
野本無知諫藁蒙相示頗慕韓公賢韓忠獻公有似勝
田錫事今日歌南山賓客工文字先生惟一笑誰識平
生志萬民登壽域四方皆福地然後懷抱開蓬萊任遊
戲

戊午七言古詩

題凌薪侯小像

凌生年富身多肉而其奇氣難壓東謝公墅有讀書屋
艾陵湖水映修竹有田可以代薄祿幽居且喜無剝啄
牙籤滿架意不足貪如得隴還望蜀關中非老在浩然
遺像留人間雪中眉皺肩聳山不達畢竟餘清寒詩能

瘦人豈其然看君下筆有奇思肥而寡髯待擬誰努力
無慚韓退之文章追琢兼聲詩耳熙載語文靖亦謂之韓文公因此謬爲退之退之肥而寡髯後世不復辨也
耳熙載語文靖亦謂之韓文公因此謬爲退之退之肥而寡髯後世不復辨也

吳蘭次罷官後重過江都值予將北上爲作此歌

昔送先生出守時何人不羨朱轎好先生相見濶州城
日尋戴公與米老題詩洞口懶言歸來迎吏役增煩惱
幾日先生竟罷官何人不惜歸來早先生卜宅愛吳門
梁鴻爲兄孟光嫂却笑行吟濶畔人如何自使顏枯槁
已覺鴻文並徐庾更讀新吟勝郊島夫公憤憤亦何爲
但能奪人溫與飽不能奪我文章印及我青山與綠沼
先生且約舊酒徒麴蘖之事亦易了但恨虛名轉悞余

遠志惟愁呼小草坐間何可無車公減君歡極恐稍稍
讀夢愚堂記長歌贈施尙白使君

十五年中三見面示我高文復數卷始識愚山號所繇
不比愚溪苦悲惋道人未必卽愚公持刺偶然來夜半
先生自認是前身心無所感夢不亂內典何曾肯入目
作記母乃近荒誕曰此不然吾有說因馬因車繇一念
占夢之官載周禮官名久廢亦堪嘆佛說不盡異吾儒
何況再生非罕見東坡曾是戒禪師謝公却號邊羅漢
草菴西山非兩人伯成十朋惟一轉其餘紛紛述難盡
探樹得環如昏旦於事於理皆有之誰謂先生信夢幻
謂幻雖謬真亦非盛德若愚聃所贊先生之道如泰山

何妨自視等愚賤漫叟吾愛次山公散人誰及江湖彥
千秋復覩陸與元一記憑教畧與訕海市蜃樓不長久
愚谷至今無改變先生寄託或在此癡人豈止隔一間
戊午五言律詩

哭礪山楊明府吉公

爲政無多日千家有哭聲豈知求小邑真爲寫銘旌鼓
罷琴猶在騎來馬尙鳴不須更聞笛對此若爲情

去尋衆香國寄到老僧衣果驗靈山夢何勞鵬鳥飛

任聞鵬鳴或曰鵬也夜夢苦離指而謂曰汝亦靈山會
上人又靈巖繼起和尙示寂時留法衣賜其門徒必寄

楊松士亦適
於此時寄到已知魂不返所慮櫬難歸谷口迢遙甚徐

州故舊稀

輓徐母顧太夫人兼呈令子原一昆弟三太史

令德三吳重高門一代看市猶悲薤曲兒忍述熊丸形
管名雖大青松路最寒徒然傳孟母不復講周官

愁絕河東風悲號聲入雲歸天雖倏忽食報已豐殷會
葬皆名士哀歌過傳聞當時開後閣投轄任郎君

絳幔舊音容如今不可逢板輿香已散蒿里露初濃魂

去蓬萊島兒如華嶽峰

唐詩天外三峰削不成

翻憐徐孺子但爲

一林宗

貴未忘機杼賢偏敬草萊青蓮心可比貝葉手常開豈
料升堂客今看負土回眼中芳草色依舊滿南陔

長塗

澆堂續集

卷之六

美

高臥竟難遂美名真不處自憐同老馬未得別長塗
詔類漢廷事賢誰與勝徒私車乘自可安敢比醫巫

泊石佛閘遇任淑源

喜爾維官舫知予在客舟仁聲方滿路別恨屢驚秋葭
莢明燈外樽罍古渡頭虛名真自誤不得遂淹留

夜過汪舟次寓舍適鄧孝威吳天章亦至因留飲
賦詩

老覺同心少宵驚天氣寒談深闕出處坐久費杯盤賦
似揚雄易才如樂毅難兵戈猶滿地莫只喜彈冠

客主
被徵留
長安

王欽文先生七十

先生年七十嘗自號匡廬跡類匡君隱家藏李氏書

朝廷問封禪長者意何如娛老惟經籍曾於此禮疎

家近

泰山而號
匡廬因云

先生年七十祖父篤忠貞門第三槐盛鬚眉四皓清魯

人傳世德天子重家聲笑指蓬萊路兒曹頂上行

子阮亭辭戶部
郎中改官侍從

先生年七十曳杖愛鄉鄰飽食安期棗慵垂尙父綸松

風華不注竹露小陽春坐滿呈詩客能輕放鶴人

施尙白少叅有惱予移寓較遠之作賦謝

眼底長安客相尋各有徒多君似皇甫獨自愛潛夫懊

惱情何厚風騷調豈孤高軒休更誤筇杖尙能扶

附施少參詩

難得良朋近猶嫌見面疎今朝來覓伴昨日恨移居
避客少閒地藏身存舊書醉歌狂自可莫是嘆無魚

送鄭方旦虞部榷稅韶州

快意誰兼得歸途是宦遊

方旦家揚州

梅花香嶺上雀舫過

沙頭使節仙郎貴文章賈客求詩朋應滿坐張相本韶
州

虞帝經巡路韶音久不聞煩君彈古調所至起南薰水
上珠光動山中蘭氣芬肯憐京洛客乞米日辛勤

題王咸中石鳴山房

西山舊遊處悔未到堯峰乍對王維畫

王茂京原祁爲作石鳴山房圖

兼逢谷口農幽人肯招隱野老願爲傭更勸讀書暇多栽巢鶴松

王咸中山居與汪茗文民部爲隣見茗文留題池亭諸作心竊慕之因有贈

來往惟三益看君意最謙卜隣得王翰置酒待陶潛瓦上鳴松鼠林中吐桂蟬更逢詩伯至清興若爲添幾時來輦下何日返山中對食思雲子談水畏夏蟲隣家眞似杜區宅本如雄久處紛華地難忘戰勝功

除夕飲吳維申舍人寓齋

日月除今歲京都滯此身不逢祭詩者誰召買歌人爆竹響聞朱戶儺名進紫宸

王建宮詞金吾除夜進儺名

回思太平事

對酒轉傷神

除夕更除愁新知勝舊遊爲歡非博塞作戲一藏鈎簾
動春風入杯寬臘味留看君詩興好不愧鳳池頭

戊午五言排律

題洗象圖

詭異復颺梧鞭騎有象奴荆山放無日皐澤養何須食
物多繇鼻聞名善應呼來時望南海舞處是西都被誘
因甘蔗離羣爲美芻馴雌何不見獨立與誰俱拜定隨
人意恩曾渥汝軀指揮煩教誨洗滌費工夫戰莫思身
毒在指三耕當助有虞但能勤報答豈在効馳驅
時堪慮花牙我自吁老牛金在首弘景欲爲圖

送宋牧仲員外權稅虔州兼寄懷易堂諸子

傳聞贛州路羽檄近來稀
臺榭臨章水帆檣聚夕暉
江行魚鳥狎南去雪霜微地煖嫌貂重峰高少雁飛
朝廷倚籌畫關市有光輝
謀國才須展論文事不違山川
誰其賞耆舊許相依
謂彭躬菴總督以和公督南贛也
公事如多暇携尊訪釣磯

戊午七言律詩

贈高蒼巖蘇州太守

壯麗湖山對郡城
公餘詩酒自平生
客惟皮陸頻來往
政視龔黃卽弟兄
塞馬幾年疲戰伐
吳歌此日類昇平
三公自是循良分
白鹿何勞夾轂行

贈慕鶴鳴中丞

頻年羽檄滿江干，吳楚封疆控引寬。
八座位高才不忝，九重憂劇喜無難。
徐方麥黍侵河伯，揚域金錢罄將墮。
別察未蘓征稅急，早聞尺疏達金鑾。

閔邸報見羣公薦表濫及野老姓名將修辭啟先
成二詩

浪得聲名悔已遲，如今檄恐北山移。
自經亂後無恒產，誤喜朝中有故知。
魏野方思看舞鶴，莊周只願作生龜。
忽蒙匠石頻相顧，襟袖神應替我悲。

百歲風狂實可驚，眼昏頭白骨崢嶸。
縱曾在位冠須挂，豈合辭山網更攔。
文章舉何勞稱一鶚，許繇長使憶三生。

自樂天詩世說三生如魯郊金奏雄堪悅誰識當時海
不謬其疑巢許是前身

見徵人京後作

百八十人何濟濟都矜博學且弘詞釣熬客亦來龍伯

賈履翁初別劍池

池在豐城杜詩貧窮老叟求賈訪謝王季友也

高士儒林難

共傳柴車駿足敢同馳布衣老死甘雲壑豈料遭逢類

荔支

杜詩雲壑布衣歸日死勞人官馬羣行須蓋謂布衣終然永屈曾不如荔支遠入長安但羣行之一

哭也余詩特反其意

壽馮易齋相公

齊魯山川鍾氣厚今

皇稷契讀書多絲綸不放尋仙

去吐握還如見士何報主鬚眉憑皓白安邊將相最

淮陰集卷之六
調和閒中細寫長生錄待看河清海不波

沙堤風景接瀛洲

賜酒頻繁禮數優
早歲衣冠形玉

鏡

用宋

當朝姓字覆金甌
人知儉德廳旋馬
天與遐齡

杖刻鳩賀客不須圖
老子相傳惟羨五湖遊

書懷

老日林泉味頗諳
年來士卒戰猶酣
身如橘柚病於北
心似鷓鴣飛向南
隴上全家能習苦
牀前稚子待分甘
出山久笑深源誤
入肆將尋季主談

曾看作賦類俳優
只藉長吟一散愁
宋玉登朝寧有益
陶潛在野本無求
不聞老馬能千里
敢慕仙人聚十洲
得荷君恩早歸去
猶能擊壤海西頭

分米惟應比農父漢章帝分梁給錢亦許厠儒林時蒙
諭令戶部月給應諸人銀三兩米三斗詔素餐豈合詩人義偕隱難違老
婦心徑似南山防共笑賢如北郭擬相尋欲知莊舄甘
貧賤抱病終朝作越吟

戊午五言絕句

題袁重其午日負母看花園

此士讀何書孝經常在口將肩代板輿潘岳曾知否

富貴盈雙眼君看不值錢年過有虞氏時重其年六十八

慕尚依然

葵榴仍滿園肩背乃空存重其母今從此逢端午無心

弔屈原

戊午七言絕句

贈張幼南廷尉兼送之歸娶

茂年懷抱古人中最荷

官家眷待隆用法早齊于定

國薦賢新效狄梁公

所薦同鄉傳學弘詞三人

廷尉君家舊有聲重聞掌法最寬平獨看結襪尋嘗事

未必王生勝李生

謂富平李于德

衰翁無夢到金臺也別山頭老鶴來珠履滿堂容列坐

就中相愛有鄒枚

遠赴東床事久遲昨朝新奏

九重知八轡百兩侯門

事請爲君歌大雅詩

滿河水淺歲將闌

賜得貂裘不畏寒華嶽經過如有

興驚人謝句待同看

鳴雁乘龍促馬蹄齊姜宋子小侯妻
丈人從此思安坐

古稱朋友之父母亦曰丈人丈母

何日邊頭靜鼓聲

再逢項眉山學士

有屏

項眉山學士出予舊所書扇示坐客自視十年前筆蹟便似出他人之手至於扇上詩皆七言絕句又一無忌諱而先生愛玩之至亦大異於人情矣因成六絕以志感愧

再逢京洛亦前緣一別蒼茫已十年
老衲菩提曾不長偈成還似臥輪邊

潦倒羸疎一野翁揮毫任意懶求工
竹頭豈料逢陶侃

幾尾何期遇蔡邕

書家真贋久難明老眼今朝忽自驚錯認家鷄爲野鷺
不知蝴蝶卽莊生

田翁叉手被人嗤

李後主不喜顏魯公書云叉手並脚一川名漢耳

獨嗜瘡痂

恐太奇所喜全無科舉氣

唐人以書判取士故士大夫筆畫多科舉習氣

若論

點畫竟何知

世情誰不厭疎狂每嘆前賢命可傷那有波瀾並曹植

東坡詩却卷波翻入小詩謂作絕句也

何曾懶慢資嵇康

老懶惟應着鵲冠何心作賦對金鑾自知在世無多日

再爲先生寫白團

題毛會侯明府小像

戴笠鹿羊圖

與君相見在金門
入夜銜杯共笑言
有手應操燕許筆
持竿尚憶釣魚村

曾傳佳政入歌謠
暇日臨流興頗饒
一自明廷愛垂釣
不須陽晝說陽橋

早晚看君坐石渠
漁竿從此恐須疎
朝中若是逢楊覽
莫道君威勝大魚